



Universitätsbibliothek Paderborn

Antidota Apostolica contra nostri temporis hæreses

In quibus Loca illa explicantur, quæ Hæreticj hodie (maximè Calvinus & Beza) vel ad sua placita stabilienda, vel ad Catholicæ Ecclesiæ dogmata infirmanda ...

In Acta Apostolorum to. primus

Stapleton, Thomas

Antverpiæ, 1595

Cap. 1.

urn:nbn:de:hbz:466:1-39424

ANTIDOTA
APOSTOLICA
in Acta Apostolorum.

CAPVT PRIMVM.

15. *Exurgens Petrus in medio fratrum, dixit.*

PECTISSIME obseruat
B. Chrysostomus hoc lo-
co, textusque ipse demon-
strat, pascendi curam atque
primatum Petro à Christo
commissum, in ipso statim
exordio à Petro agnitū, & executioni man-
datum fuisse: sed cum ea moderatione qua
Petri etiam successores in causis difficiliori-
bus vti solent. *Quam (inquit) agnoscit creditū
à Christo gregem! Quam in hoc Apostolorum & dis-
cipulorum choro princeps est, & ubique primus om-
nium incipit loqui! Et pau'o post, vt quam
moderationem tenuerit aduertat: Iam (in-
quit) & illud considera, quam Petrus agit omnia
ex communi discipulorum sententia, nihil authorita-
te sua, nihil cum imperio. Nempe idcirco in me-
dio fra-*

Petri pri-
matus.

Hom. 3. in
Acta.

dio fratrum rem proponit, & vt ipsi certos eligant in sortem mittendos permittit. Sed ne hoc totum Petri authoritati præiudicaret aliquid, vide quid S. Chrysostomus adiungat. *Quid? An non licebat illi eligere qui in Iudæa locum succederet? Licebat, & quidem maximè: verum id non facit, ne cui videretur gratificari. Sed & paulo post: Vide verò Iacobi modestiam. Acceperat ille Hierosolymis Episcopi munus, & tamen hic nihil loquitur. Considera autem & aliorum discipulorum modestiam, quo pacto concedunt ei solum, nec amplius ambigunt disceptantes inter se, videl. quis eorum videretur esse maior. Merito primus omnium authoritatem usurpat in negotio, vt qui omnes habebat in manu. Ad hunc enim dixit Christus: Et tu conuersus confirma fratres tuos. Hæc Chrysostomus. Frustra igitur Beza citatum hunc locum ab Augustino periculosi erroris notauit.*

*Act. cum
Felice
Manich.*

lib. 1. c. 4.

Quum enim pro eo quod nostra lectio habet, Statuerunt autem duo, &c. August. hunc totum locum recitans legat, Statuit, ait Beza: Interpretatur Augustinus singulari numero, Statuit, periculoso errore. Nihil enim hic priuatim à Petro geritur quasi excellentiori dignitate prædito, sed publice, & totius collegij suffragijs. Hæc ille. Sed sanio rem interpretem habemus Chrysostomum, qui non vt periculosum errorem, sed vt certam & salubrem veritatem Christi verbis conformem, Petri hoc loco excellentiorem cæteris dignitatem luculenter docuit. Vox illa certæ authoritatis erat: Oportet ex
his viris,